

四庫全書

子部

欽定四庫全書

子部
海錄碎事卷二十二上

詳校官中書臣李彤

侍讀臣孫球覆勘

總校官進士臣繆琪

校對官中書臣王瑣

謄錄監生臣唐桂

欽定四庫全書

海錄碎事卷二十二上

宋 葉廷珪 撰

鳥獸草木部

飛鳥門

水獺公

陸龜蒙詩一生無事煙波足唯有沙邊水獺公

共命鳥

老杜道林寺行云蓮花交響共命鳥釋氏書有共命鳥

二首而一身

結遼鳥

結遼鳥唐會要林邑國有之謂之吉了鳥能人語

波斯鷺

波斯國有鷺鳥噉羊

出梁史

周周

周周尚銜羽蛩蛩亦念飢周周鳥名重頭屈尾飲于河
則必顛常銜其羽然後得飲

阮嗣宗

歸飛翼

仰瞻凌霄鳥，羨爾歸飛翼。

陸士衡詩

聾聒

陸龜蒙詩：魚鳥空聾聒，左思賦：魚鳥聾聒，乃物蠢生也。

上語彪反，下魚乞反。

摩天游

寒蟬在樹鳴，鶴鵠摩天游。

王仲宣詩

出林翮

遲遲出林翮未夕復來歸

淵明詩

鷩卵

鷩猶鷩卵始生翰毛鳥子也

口角反陳琳檄

木客鳥

異物志廬陵有木客鳥大如鵲云是木客化作鳥

庶鳥

龍生鳳鳳生鸞鸞生庶鳥

鷩鷩鳴

鷓鴣鳴曰向南北逃問鳴懸胡蘆繫頸

早孜

早孜晚鳥沉幽語歷刺烟篁露病梢

林逋詩

烏白

張祐詩杜鵑花發杜鵑叫烏白花生烏白啼

鷓頭鷓

東坡謝人牛尾狸泥深厭聽鷓頭鷓酒淺欣嘗牛尾狸
注蜀人謂滑滑為鷓頭鷓

好鳥

好鳥鳴岩扃吳筠與朱元思書自富陽至桐廬奇山異
水天下獨絕好鳥相鳴嚶嚶成韻

介鳥

雉介鳥也

爾雅疏

薄天飛

翔鳥薄天飛

選詩

晴交

鶴以聲交鵲以意交鵲鵲以晴交而孕

爾雅疏

巢南枝

胡馬嘶北風越鳥巢南枝

選詩

風翔雨舞

爾雅疏風翔則風雨舞則雨霜飛則霜露翳則露注曰
風禽鳶類越人謂之風伯翔則大風商羊一名雨鵲鵲
飛則實霜露禽鶴也鶴之馴養於家庭者飲露則飛去

朝嘲夜咬

林鳥朝嘲水鳥夜咬

爾雅疏

野義恭搏

駕鶉野則義恭則搏水驚澤則羣擾則逐

爾雅疏

右掩左雄

爾雅曰鳥之雌雄不可別者以翼右掩左雄左掩右雌
鄭時箋云陰陽之義也

雝渠

爾雅疏鴈鵠一名雝渠頸下黑如連錢故杜陽謂之連

錢

連錢

見上

鳥擇木

鳥則擇木木豈能擇鳥耶

左傳

沸河

禽經云淘河在岸則魚沒沸河在岸則魚出淮南子云
鳥有沸波令大雕飛水上扇魚令出沸波攫而食之

鳩逐婦

語曰天將雨鳩逐婦蓋鳩陰則屏逐其匹晴則呼之

穀鳥

禽經鵲穀鳥也鷓鴣信鳥也

巧婦

巧婦鳩性拙鷓鴣性巧俗呼巧婦一名工雀取茅為窠至精密以麻紆之刺韞然又一名韞雀

韞雀

見上

脩鷁短鳧

沈約郊居賦秋鷺寒鷺脩鷗短鳬鷓鴣也

一宿鳥

毛詩傳鳩一宿之鳥箋云一宿者一意於所宿之木也

冠鳥

禽經冠鳥性勇帶鳥性仁纓鳥性樂冠鳥若鷹是也帶鳥若練鵲是也纓鳥若綬鳥是也

脂餅

舊說鳥雀尾上有肉高有穴者名脂餅每引嘴取脂以

塗翅毛則悅澤雨露不能濡

一為鴟

禽經曰鶴生三子一為鴟鴞生三子一為鴞

蔥鶯

魯都賦綠鷁蔥鶯言鶯色青

韓朋鳥

搜神記韓朋大夫妻美宋康王奪之夫妻皆自死王怒埋之其塚相望經宿忽有梓木枝連於上有鳥如鴛鴦

棲其木人謂之韓朋鳥

青鵑

春山有白鳥青鵑執犬羊食鹿豕

報春鳥

顧渚山茶記山中有鳥如鸛鵒色蒼每至正月二月作聲云春起也至三月四月春去也採茶人呼為報春鳥

王母使

翩翩三青鳥毛色奇可憐朝為王母使暮歸三危山

陶

淵明詩

蚊母鳥

江南有蚊母鳥夏月夜鳴吐蚊叢葦間又蚊樹枇杷熟則皮裂蚊紛然而出

國史補

重明集

祇支國獻重明鳥似鳳而小云能攘妖災國人每掃戶

以望其集

拾遺記

三青鳥

龜山西王母有三青鳥主為母收食

出山海經

鷓鴣南翥

鷓鴣雖東西迴翔開翅之始必先南翥其鳴自呼薄杜
又本草云自呼鈎輶格磔故李羣玉詩云方穿詰曲崎

嶇路又聽鈎輶格磔聲

嶺表異錄

鬼車

鴉又名休鷂夜飛晝伏能拾人爪甲以為凶凶則鳴於
屋上故人除爪甲必藏之又名夜遊女好與嬰兒為祟

又名鬼車又名魚鳥能入人屋收魂氣其頭有九為犬
所噬一首常下血滴人家則凶故聞其聲則擊犬使吠
以厭之休鷓鴣畫目無見夜則目明陳藏器引五行書除
手爪埋戶內此鳥乃姑獲鬼車之類也姑獲夜飛畫藏
一名天帝少女一名夜行遊一名隱飛好取人小兒養
之今小兒衣不欲夜露為此物愛以血點其衣為誌即
取兒也

嶺表異錄

翡翠

廣志翡色赤翠色紺江淹翡賦云彼二鳥之奇麗

大蒼

馬融書晚秋涉冬大蒼出籠黃棘下兔毫以乾葵大蒼鷹也

題肩

詩疏隼鷁也齊人謂之題肩

林鳥同心

林鳥同心池魚比目

梁元帝駕鵞賦

一生分

金鷄玉鵲不成羣紫鶴紅雉一生分上

鵲鵲壓火

鵲鵲江東人家養之以壓火災故摯虞賦云見水則喜

睹火則憂

食短狐

臨海異物志鵲鵲食短狐其在溪中無毒氣

六紛員

漢房中歌云赤鴈集六紛員注言赤鴈之數六也

撥穀鳴

日出撥穀鳴田家催鋤犁

李白詩

五色毛

羣鳳憐客鳥差池相哀鳴各拔五色毛意重太山輕

李

白詩

吟晴日

谷鳥吟晴日江猿嘯晚風

李白詩

紅翠

皮日休羅浮山紅翠數聲瑤室響注紅翠鳥名也浮山有璇房瑤室七十二

孝順鳥

鄭箋鳩鳥之謹慤者人皆愛之則是謹慤者孝順之鳥也

求偶鳴子

山鷄晨羣野雉朝雛求偶鳴子悲號長嘯

竹林

竹林靜啼青竹筍竹林鳥名也

媚蝶乳鶯

媚蝶乳鶯劉子儀

田鵲題鵲音弟桂

臨海異物志題鵲也春三月鳴晝夜不止音聲自呼俗
言取梅子塗其口兩邊皆赤上天自言乞思至當麥子
熟鳴乃止耳

車覆粟

論語疏公冶長辨鳥雀語云喈喈嘖嘖白蓮水邊有車覆粟車脚淪泥犢牛折角收之不盡相呼共啄遣人驗之果然

金吾鳥

漢武帝更中尉為執金吾師古曰金吾鳥名也主辟不祥天子出行職先導以備非常故執此鳥之象因以名官

杜宇

望帝禪位於鯀靈升西山隱焉時適杜鵑方鳴俗思帝
恩號為杜宇以誌其隱去之時或曰杜鵑望帝精魂所
化

苦姑

南海有苦姑鳥聲如人音多懷悽愴異物志謂之苦鳥
黑鳥

夏小正云十月黑鳥低黑鳥鳥也低謂飛乍高乍下也

翡翠

張揖上林賦注翡翠大小如雀雄赤曰翡雌青曰翠

剛蟲

東京賦剛蟲搏鷲注鷹豺之類也

鴻儔鵠侶

鴻鵠羣飛故有儔侶蜀都賦曰鴻儔鵠侶

奇鶻

奇鶻九頭音倉鳥也

江賦

雲飛水宿

雲飛水宿弄吭清渠

蜀都賦

鵠鷗

鵠鷗鷗也

人舌

山海經黃山有鳥其狀如鵠青羽赤喙人舌能言注舌似小兒舌

桑飛

鷦鷯方言曰桑飛

離鷗

嚶若離鷗鳴清池

琴賦

薄天遊

琴賦眇翩翩道薄天遊注薄迫也

思婦

思婦鳥名也

田鶴沙鵒

田鶴遠相叫沙鵝忽爭飛

謝玄暉詩

蒿下飛

青鳥海上遊鸞斯蒿下飛

阮步兵詩

排空

淮南子云鳥排空而飛

佩善芳

王元長詩序云佩善芳善芳頭若雄鷄佩之令人不寐

注遠國異鳥名

獨足鳥

梧州新寧縣所出喙脚皆赤藻縹相輝

金足鳥

出梧州廣寧縣羽翰如玉喙脚如金其鳥自呼商羊

自呼商羊

見上

音聲子

鳥名出興州百舌之類也

錦駝鳥

錦駝鳥出秋浦如吐綬鷄見李白詩

惜春鳥

惜春鳥大不踰燕其聲曰莫摘花果人謂之護山鳥

擣藥鳥

不見其形但聞其聲如杵臼敲磕人謂之葛仙翁擣藥鳥

雲韶部

雲韶部有二種亦謂之音聲鳥

音聲鳥

見上

波鴻

波鴻水鳥也

鷗鷺門

鷺出鼓中

吳王夫差時有雙白鷺飛出鼓中而入雲也

古今樂錄

隨潮鷗

南越志漲海有鷗鳥隨潮上下

昆明鷺

樂府王僧孺咏鷺詩願識昆明鷺乘流飲復棲

鷺目成

變化論曰鷺目成而受胎鶴影接而懷卵鴛鴦交頸野鵲傳枝

絲禽

鯉錦衝風擲絲禽掠浪飛陸龜蒙詩絲禽鷺也

帶絲禽

帶絲禽白鷺也

葭下食

蘇子卿咏鷺云非貪葭下食懷恩自遠歸

春鋤

鷺一名春鋤步於淺水好自低昂故曰春鋤亦謂之獨春

燕門

吳宮燕

吳宮燕宮人留爪以記更來

西飛燕

東飛伯勞西飛燕黃姑阿母時相見

僵燕

涸魚思雨潤僵燕望雷蘇

李紳詩

差差燕

灼灼海棠誰復折差差燕子又還飛

王禹玉詩

燕妬

范質云有二燕巢舍下其雌為猫所搏其雄別偶一燕
哺食如故數宵諸雛墮地死剖之則有瘀藜盈於喙中
蓋為繼燕所害凡有血氣者未嘗無憎愛嫉妬之心也
鷺鳥

燕一名天女一名神女一名鷺鳥

鷺門

黃袍

黃鷺一名黃袍

閔女歌

鶯唱閔女歌瀑懸楚練帔

蠻蠻

山海經崇丘山有鳥狀如鳬一翼一目相得乃飛名曰蠻蠻郭景純云此比翼鳥也爾雅謂之鷦鷯

黃鸝留

爾雅釋云離黃倉庚也鳴則蚕生毛詩草木疏云黃鸝留或謂之黃栗留幽州人謂之黃鶯一名商庚一名鷽

黃一名楚雀齊人謂之搏黍關西謂之黃鳥方言云自關而東謂之倉庚關西謂之黃鸝留也

鶯簧

清浮酒蟻醅初撥暖入鶯簧舌漸調

鴻鴈門

點點鴻

江湖今日還勞結目送歸飛點點鴻

林逋

旅鴈

旅鴈同洲宿寒鳬夾岸飛

張正見詩

舒鴈

鵝一名舒鴈江東呼為鵝

客鴈

蘆洲客鴈報春來

李義山

鴈唼唼

鴈唼唼而南游

離騷

鴈子

太液池中鳬雛鴈子布滿充積

單汎

羣浮動輕浪單汎逐孤光

沈休文詩

足蹠踵企

爾雅鳬鴈醜其足蹠其踵企足蹠謂相聯屬也

朱鳥

燕一名玄鳥鴈一名朱鳥

客南淮

往春翔北土今冬客南淮言鴈如此應德璉詩

鵲門

烏鵲南飛

月明星稀烏鵲南飛繞樹三匝無枝可依
魏武帝

靈匹

雲漢有靈匹彌年闕相從
謝惠連詩

乾鵲

乾鵲知來猩猩知往
淮南子

嚮天一

淮南子云蟄蟲鵲巢皆嚮天一

鵲制蝟

蝟能制虎見鵲便仰腹受啄中其矢輒爛淮南子云鵲

矢中蝟

鳩鵲

後漢章帝條支國貢異鳥名鳩鵲高七尺解人語國太

平則羣翔鳴焉

神女

鵲一名神女七月填河成橋

芻尼

作七夕詩押潘尼字衆人竟和亢成詩者僕時不曾賦
後因讀藏經呼喜鵲為芻尼

許彥周詩話

鳳門

鳳十子

易林云鳳有十子同巢共懼以相保

鳳花臺鳥

幽怪錄柳歸舜泛舟巴陵風飄至一處有鸚鵡數千相呼姓字有名武遊郎者有名阿蘇兒有名武仙郎者有名自在先生者有名踏蓮露者有名鳳花臺者有名戴蟬兒者有名多花子者又云吾乃鳳花臺鳥也

鳳靡鸞叱

鳳靡鸞叱百鳥瘞之注云鳳死曰靡鸞死曰叱禽鳥啄

土以瘞藏之

爾雅疏

玉池津

朝食琅玕實夕飲玉池津言鳳也

嵇叔夜詩

瑞鷗

師曠禽經鳳亦曰瑞鷗蓋瑞應鳥也

瑞鳥

又曰鸞瑞鳥注云鸞者鳳鳥之亞始生類鳳久則五彩
變易故字從變

雞趣

鸞一曰雞趣王者有德則見爾雅疏

錦鳳

軒渠國有九色鳥青口綠頸紫翼紅膺丹足紺頂碧毛
紺背玄尾名曰錦鳳其青多紅少謂之綉鸞常從弱水
西來或云是西王母之禽也

綉鸞

見上

雙彩鳳

遙裔雙彩鳳婉孌三青禽以歡秦娥意復得王母心

李

白詩

鳳圓

流沙之西丹山之南有鳳之圓圓古卵字

和鸞

鸞雌曰和雄曰鸞

禽經

白鳳雛

有燕巢長數尺忽羣鳥翔集因毀巢有白雛飛出羣從去又有燕巢中有赤光毀之一赤龍子長尺許鱗甲皆

具少頃故騰躍而去

金華子

鳳凰子

王獻之詩客從北方來言欲到交趾遠行無他贐唯有
鳳凰子百金我不欲千金難為市

烏門

窮鳥

何遜作窮鳥賦云望絕侶於霞端聽翔羣於日晚

三足鳥

家語曾子至孝三足烏棲其冠

烏頭白

燕丹質秦求歸秦王不聽曰烏頭白乃可歸丹仰天嘆
烏乃頭白遂得歸

雅烏

爾雅云小而腹下白不及哺者謂之雅烏說文字林皆
云楚烏是也

集庭樹

虞博為鄱陽令白鳥羣集其樹

晉本傳

聞弦驚

太宗烏詩近日毛雖煖聞弦心已驚

烏性壽

舊說烏性至壽三鹿死後能倒一松三松死後能倒一

烏

尾畢逋

漢桓帝時謠云城上烏尾畢逋

麗城

楊師道詩朝飛麗城上唐太宗咏烏凌晨麗城去

孝烏

許慎說文烏孝烏也

哀烏

哀烏吟夜注云烏失雌雄則夜啼

巢門

吳順至孝養母有赤烏巢門

華陽國志

雀門

寒鳥嚙

不覩白日景但聞寒鳥嚙

音歡

雀化

見水族門

義雀行

賈島賀朱評云玄鳥夕不歸曉曉遺衆雛雙雀抱仁義
哺食勞劬劬禽賢雖自彰幸得主人書

嘉賓

黃雀一名嘉賓

古今注

鶴門

丹歌

趙自然詩丹歌時引舞來去跨雲鸞丹歌鶴也

江陵鶴

劉義慶世說羊祜鎮荊州於江陵澤中得鶴教其舞動以樂賓友

鶴乘軒

狄人伐衛懿公好鶴有乘軒者國人受甲者皆曰使鶴
鶴實有祿位余焉能戰遂為狄滅

鶴知夜半

繁露曰鶴知夜半鶴水鳥也夜半水位感其生氣則喜
而鳴也

還丹使

茅君傳云鶴者是九轉還丹使

子孫鶴

池棲子孫鶴堂宿弟兄仙

陸龜蒙寄茅山何道士詩

獨足鶴

漢武時有獻獨足鶴東方朔曰此山海經所謂畢鸞

珠樹鶴

李白賀監借問欲棲珠樹鶴何年却向帝城飛

鶴怨鷄嗔

禽經曰鶴以怨望鷗以貪顧鷄以嗔睨鴨以怨雀以猜
瞿燕以狂眈視也鷺以喜嚙烏以悲啼鳶以飢鳴鶴以

潔喉臬以凶呌鷗以愁嘯鳴也

兵爪

鶴左右脚裏第一指名曰兵爪

酉陽雜俎

落子毛

鶴二年落子毛

鶴經

藻質明心

鍾浮曠之藻質抱清迴之明心

舞鶴賦

靈祀

積靈祀而方多鶴壽故云

翔紫蓋

衡山有三峯一名紫蓋天明輒有一雙白鶴迴翔其上

清響亮徹

荊州記

養青田

沐溪野云青田九里有雙鶴年年生伏子長大便去只餘父母一雙精白可愛多云神所養

永嘉郡記

九皋介鳥

九皋介鳥介大也謂鶴也

思玄賦

鸚鵡門

言鳥

漢異域志獻言鳥注云鸚鵡

鶯鵲

鶯鵲說文云能言鳥也張昭云鳥有鶯鵲請覓鶯父

南越鳥

張祐鶯鵲詩栖栖南越鳥

鸚鵡塚

廣南進白鸚鵡洞曉言詞呼為雪衣女一日為鷹所斃

遂瘞苑中為鸚鵡塚

見開元天寶遺事

鴛鴦門

匹鳥

文選注鴛鴦一名匹鳥也

孤鴛鴦

中有孤鴛鴦哀鳴求匹偶

河曲鳥

思為河曲鳥鴛鴦也

陸士衡詩

鴝臬門

愁鴝

茅棟嘯愁鴝平岡走寒兔

沈休文詩

臬反噬

北山錄曰烏反嘯臬反噬

臬鏡

古者祠黃帝用一梟破鏡以梟食母破鏡食父破鏡如
驅

土梟

釋烏梟土梟也釋氏書云如土梟等附塊為兒

鴉門

昏鴉

何遜詩城陰度塹黑昏鴉接翅飛老杜使此事云無人
竭浮蟻有待至昏鴉

仁鳥

晉文公焚林求介子推有白鴉遶煙而噪呼曰仁鳥俗謂烏白臆者為慈烏亦其類也

金背

魚衝駭浪雪鱗健鴉閃夕陽金背光

燕鳥

爾雅云鴝白項而羣飛者謂之燕鳥白脰鳥是也

鳬鷺門

晨鳧

晨鳧露鵲

七命

月汀星沼

吳融鳧詩不在龍欄夜仍好月汀星沼剩徘徊

艷艷衣

野鳧詩三三兩兩自相隨檀頸遙看艷艷衣

家鷺

爾雅曰舒鳧鷺釋云鷺鴨也一名舒鳧李巡曰野曰鳧

家曰鷺

露華鷺

露華鷺以秋冬生卵

出廣志

鷹鷂門

鷂上鷂

昔如鷂上鷂今如檻中猿古候反

鮑明遠詩

晨風

晨風懷苦心注鷂鷂屬

選古詩

青骹

青骹繫於籠中何以効其撮東郭於鞬下也

百中

耿緯進秋隼詩應隨明主意百中有光輝

鷹將軍

蕭轂野田黃雀行云寧死明珠彈且避鷹將軍

撩風翎

鷄兩翅各有複翎右名撩風左名掠草

鷹珥角

禽經曰驚啄則絲珥鷹捕則角珥藏殺機也

白鵲將軍

朝野僉載太宗養白鵲號將軍取烏常驅至殿前故名
落鴈殿常令送書從京至中都與魏王仍取報日往返
亦陸機黃耳之類也

孔雀門

珠毛

孔雀尾端一寸名曰珠毛

因雷孕

釋氏書言孔雀因雷聲而孕

酉陽雜俎

孔家禽

珠繁楊氏果翠耀孔家禽

林逋詩

子規門

怨鳥

杜鵑一名怨鳥夜啼達旦血漬草木

謝豹

江介曰子規啼苦則倒懸於樹自呼謝豹也

催歸

退之詩喚起窓全曙催歸日未西無心花裏鳥更與有情啼催歸子規也喚起聲如絡絲員轉清亮偏於春晚
鳴江南云春喚山谷云

子雉

音規子雉鳥也

爾雅疏

雋周

雋周爾雅注今之子規也

走獸門

猴無脾

猴無脾以行消食

鹿無魂

道書中言麋鹿無魂故可食

李耳

方言陳魏宋楚之間謂虎為李父江淮南楚謂虎為李耳注云虎食物值耳而止以觸其諱故止

神虎記

麋暖

博物志麋掘澤草而食其場成泥名曰麋暖民隨此暖種稻其收百倍

購三千

漢律捕虎一購錢三千豺一購錢百

兼十牛

郭璞象讚云象實魁偉骼巨貌詭肉兼十牛目不踰豕

於菟

音烏徒楚人謂虎為於菟

出左傳

一封駝

漢書大月氏出一封駝注脊上有一封李義山詩取酒

一封駝

咆虎

咆虎響窮山鳴鶴聒空林咆虎鳴也

張景陽詩

長鳴

騏驎長鳴伯樂昭其能盧狗悲號韓國知其才盧黑犬也
曹子建表

烏龍

韋善俊有犬名烏龍後化為龍乘之而去

阿紫

狐媚人自稱阿紫
搜神記

百錢狸

說苑騏驎至駿也使捕鼠不如百錢之狸

山都

異物志廬陵大山之間有山都似人裸身見人便走自有男女長四五尺

麀尾

鹿之大者為麀羣鹿隨之皆視麀尾所轉

獸猿禽瞥

馬融賦云獸不及猿禽不及瞥猿走也丑戀切瞥視也

必例反

狼狽

狼狽是兩物狽前足絕短每行常駕兩狼失狼則不能動故世言事乖張則稱狼狽

羴羴

暝烏影聯翩驚狐尾羴羴

韓偓

牛龍瞶

焦貢易林曰牛龍耳瞶蓋牛耳無竅以鼻聽龍亦聾者

也

食豹似麟

穆天子傳曰狡狴日走五百里郭璞注獅子也食虎豹
又司馬彪續漢書曰章和元年安息國獻獅子形似麟
而無角

馳煙

馳糞煙直上如狼煙也

乘騶虞

山海經云騶虞五采畢具尾長于身乘之日行千里

非辰属

陶氏云麋鹿非辰属八卦無主故道家聽許為脯

明馳使

妃子私發明馳使遺祿山瑞龍腦香明馳者股下有毛

夜間能明

子路

東土呼熊為子路

述異記

腸寸斷

桓溫入蜀部伍得猿子其母緣岸號行百餘里跳上船而絕破視腹中腸皆寸寸斷

辟邪兄

漢武帝時月支貢猛獸使者云乃獬天之元王辟邪之長兄也帝以付上林苑徑上虎頭溺虎出十洲記

長喙參軍

長喙參軍猪也

古今注

摩斯叱

摩斯叱梵言獼猴也

一角羊

獼豸一角羊也性知有罪者即以角觸之

山丈山姑

山魃嶺南皆有一足反踵手足皆三指雄曰山丈雌曰山姑夜扣人門雄求金繒雌求脂粉

孫供奉

昭宗播遷隨駕伎藝只有弄猴者其猴甚馴能隨班起居昭宗賜緋袍號孫供奉羅隱下第詩云何如買取糊孫弄一笑君王便著緋是也朱梁僭號取此猴亦令于殿下隨班猴望見殿上乃朱全忠徑趨其所跳躍奮擊遂被殺唐臣愧此猴多矣

吉山影響錄

山公

李約有山林之致養一猿名山公

蒙貴

猫名蒙貴一名烏圓其目睛旦暮圓日午則細如一線
洗面過耳則客至

雜俎

狒狒讚

狒狒讚云狒狒怪萌被髮操行獲人則笑唇蔽其目終
亦號咷反為我戮

西巖答

沈約猿詩既歡東嶺唱復佇西巖答

狐有三德

狐有三德其色中和小前大後死則丘首

出說文

玉衡精

言鬼是玉衡星之精

梁簡文表

白銀麋

穆天子傳天子賜曹奴之鹿白銀之麋

歸終知來

猩猩知往歸終知來神獸也

淮南子

挹婁貂

魏徒挹婁國出好貂今所謂挹婁貂是也

獸君

說文虎為山獸之君

寅客

寅客虎也亦曰寅獸

狻狕

博物志蜀中西高山有物似獼猴長七八尺能人行健走名曰狻狕音狩一名馬花又名攬伺行道婦人有美

者盜而去人莫能知其所處也

猿相連

對嶺人共語飲潭猿相連

李白詩

暝猿悲

望極落日盡秋深暝猿悲

李白詩

猿嘯苦

風悲猿嘯苦木落鴻飛早

李白詩

猿父

猿父哀吟獬子長嘯胡毘反

白額侯

白額侯虎也

巴西侯

巴西侯猿也

鉅鹿侯

鉅鹿侯鹿也

玄丘校尉

玄丘校尉狐也

犀三角

山海經注犀似水牛而豬頭黑色有蹄三角一在頭上
一在額上一在鼻上

舍利獸

舍利颺颺化為仙車注舍利獸名性吐金故名舍利

選

東京賦

狼頭牛尾

麟麇身牛尾狼頭一角黃色馬足

何法盛晉中興徵祥記

龍鯉

選江賦龍鯉一角山海經龍鯉陵居其狀如鯉

犬狺狺

猛犬狺狺而迎吠音銀

離騷

封狐千里

封狐千里言其健走千里也

上

九尾禽

七命云苑戲九尾之禽囿棲三足之鳥九尾狐也

囊狸

囊狸出賀州形如犬色青黃食果實其香如鹿

嬾婦獸

出象州異物志云昔有婦嬾織姑過之死為此獸其膏以照讀書績紡則暗若宴會歌舞則明

獨峯牛

獨峯牛出榴州土人乘騎如馬謂之角乘

六猿仙

宜州會山有六猿仙隱于此

九尾狐

文王應九尾狐東夷歸周

選四子講德論注

麝食柏

麝食柏而香本草名醫云麝香形似麝常食柏葉五月得香又夏自食蛇多至寒香滿入春患急痛以脚剔去置矢溺中覆之皆有常處人得之勝殺取

猶豫

說文云隴西謂犬子為猶顏師古以為人將犬行豫在人前待人不得又來迎俟如此往還至於終日斯乃豫之所以為未定也爾雅曰猶獸名鹿善登木聞人聲乃豫升木如此上下故稱猶豫

馬驢門

漢驪

何承天纂文云驢一名漢驪

檀特驢

北齊南天竺國檀特山有寺以驢運食山下無人控御
自知往來

象龍

馮奉世使大宛得其名馬象龍而還注馬形似龍也

龍騎

輕莢承玉輦細草藉龍騎莢音啼草初生也

倚輶

昔騄驥倚輶於吳坂長鳴于良樂知與不知也良樂孫陽也

飛燕

飛燕躍廣途鷁首戲清沚飛燕良馬鷁首舟也

邊馬

朔風動秋草邊馬有歸心

王正長詩

娥離

娥離之馬注息廉反良馬也

李斯書

漢驪

何承天纂文曰驢一名漢驪其子曰驢

馬如遊魚

劉楨魯賦素秋二七天漢指隅日暮宴罷車騎就衛蓋
如飛鶴馬如遊魚

千金驄

劍照七星影馬鞍千金驄

龍之友

龍媒

天馬歌云今安足龍之友又天馬來龍之媒

青海驄

隋書西域傳吐谷渾馬放入海因生驄駒能日行千里
號青海驄

五花乘

畫斷說玄宗時有涇雲五花之乘

驥子

杜詩別養驥子憐神俊顏延年天馬歌云降靈驥子九

方是選

飛霞驃

談賓錄唐太宗外國有貢馬甚駿號飛霞驃

款段

款遲也言其形款遲緩馬少游乘下澤車御款段馬

照夜白

上所乘馬有玉花驄照夜白杜詩曾見先帝照夜白見

一作貌

七名馬

秦始皇七名馬追風白兔躋景追電飛翽銅雀神鳧

九花虬

九花虬代宗以賜郭子儀每一鳴羣馬聳耳身被九花

天子馬

天子之馬走千里勝人猛獸天子之狗走百里執虎豹

穆天子傳

渠黃乘

河宗柏天渠黃之乘為天子先穆天子八駿曰渠黃

穆

天子傳

馬歆玉

天子東遊于黃澤宮樂謠曰黃之阤其馬歆沙皇人威

儀黃之澤其馬歆玉皇人壽穀

同上

銀蹄

李賀詠馬龍脊貼連錢銀蹄白踏煙

冬瓏

穆天子走龍媒八轡冬瓏逐天回

李賀詩

參差錢

青衣驄馬參差錢

李賀

生猱

朔客騎白馬劍犯懸蘭纓俊健如生猱肯拾蓬中瑩

李

賀詩

驚帆

古今注曹真有馬名驚帆言其驟如烈風舉帆之疾

花鷹

世說支遁好養花鷹駿馬曰我憐其神駿耳

蹄間三尋

張儀曰秦馬之良探前跌後蹄間三尋

駒隨母

范質言驢馬駒隨母月初生者在前中在旁下旬在後

數驗不差

玉堂閑話

九逸

文帝在代有良馬九疋號九逸如赤電鱗駒紫騮綠螭

驄皆其名

西京雜記

越三氈

秦叔寶所乘馬名忽雷駁者每月夜設三領墨氈當前

躍而過

酉陽雜俎

紫叱撥

韋生有駿馬名紫叱撥抱鮑生女妓善四絃者

豹錢驄

豹錢驄子能擎舉兼看連乾許換無

段成式

文馬

賈逵曰宋以文馬四百疋贖華元狸文也

西極馬

漢武初得烏孫好馬名曰天馬及得宛汗血馬更名烏孫馬曰西極馬宛馬曰天馬云

玉腕騮

聞說荆南馬尚書玉腕騮杜詩注五陵節度使衛驄

秀騏

騏秀騏之俊駿載軫獵之輜車

文選

小步馬

烏耗國出小步馬注所謂百步千跡者也

烏耗音鴉

金埒

洛京地貴王濟買地為馬埒編錢滿之時號金埒

晉書

紅暈衝口

紅暈衝口紫光騰目言馬之俊也

一形十影

殷文圭啟二首六身英識雅符於魯史一形十影遐程
遂逸於燕山注周時燕王進馬一形十影言其駿也

師子駢

煬帝賜李星御馬一疋名師子駢玉篇去吉切馬色也

飛龍秋

飛龍秋游上天言駕馬騰驤秋然也

房中歌

七日超母

孟康曰駃騠駿馬也生七日而超其母

龍文魚目

龍文魚目之馬充于黃門

西漢

白鼻騮

銀鞍白鼻騮綠地障泥錦

李白

碧玉蹄

紫騮鳴且嘶雙翻碧玉蹄

犁眉騮

朝策犁眉騮舉鞭九不堪

飛龍馬

勅賜飛龍二天馬黃金絡頭白玉鞍

白花駱

醉騎白花駱西走邯鄲城

浮雲驄

歸時日已晚蹀躞浮雲驄

已上並李白詩

青驪

風沓青驪躍紫騮

王維詩

鮑氏驄

鮑宣及子永孫昱俱為司隸校尉及其為公皆履乘驄
馬京師歌之曰鮑氏驄三入司隸再入公馬雖疲行步
工又慕容焦有駿馬比之鮑氏驄

龍種

甘松之南吐谷渾之地有青海周回千里海中有小山
每冬來合後以良牡牝馬置此山至來冬收之馬有孕

所生得駒號曰龍種

天馬子

大宛國中有高山其上有馬不可得因取五色母馬置其下與集生駒皆汗血因號曰天馬子

赤耳騮

隋西域圖記云大宛馬其騮馬烏馬多赤耳黃馬赤馬多黑耳唯耳色別自餘毛色與常馬不異

駒駝馬

瑞應圖曰幽隱之獸也明王在位即至

繁鬣

分其繁鬣兩鄉被之也記周人黃馬繁鬣

黃耳

魏時西卑獻千里馬四色而兩耳黃名黃耳

踏雪馬

踏雪馬四蹄皆白也

儻馬

宋孝武時西域獻僊馬

龍驤赤

齊高帝號所乘赤者為龍驤赤

馬稱一疋

藝文類聚顏回望吳門見一疋練孔子曰馬也然則馬之光景一疋長耳故後人號馬為一疋

青龍疋

馬之美者青龍之疋追風之乘

馬郡

馬郡宜馬代君以善馬奉襄子注冀之北土馬所生故俗謂代郡為馬郡

雙瞳夾鏡

雙瞳夾鏡兩權協月

赭白馬賦

目成人

相馬經目成人者行千里注視童子中人頭足皆見

刷幽燕

旦刷幽燕暮秣荆越

馬賦

鴻驚龍翥

欸聳擢以鴻驚時獲畧而龍翥

馬賦

齒歷衰

齒歷維衰而藝美不忒注歷數也

馬賦

霜戾秋登

露滋月肅霜戾秋登戾至也登成也

馬賦

睨影高鳴

睨影高鳴將超中折

馬賦

修埒

修埒坦其平舒

馬賦

紫燕綠蛇

紫燕駢衡綠蛇衛轂皆馬名

馬賦

膺門

膺門沫赭汗溝走血

馬賦

秀騏

尸子曰馬有秀騏逢驪

紅粟秩

處以黃龍之輿委以紅粟之秩言馬食粟

馬賦

精權奇

雄志倜儻精權奇

馬賦

月駟雲螭

稟靈月駟祖雲螭

馬賦

控絕景

謝玄暉詩俠客控絕景馬名也

受精皎月

受精皎月稟虛靈淵言馬也

七命

沫如揮紅

沫如揮紅汗如振血

七命

整蘭筋

相馬經云一筋從玄中出謂之蘭筋玄中者目上陷如井字蘭筋豎者千里

騷乘旦

駕則旦至故以為名

王褒頌

如歷塊

過都越國蹶如歷塊言如歷一小塊之間

上

翠黃

招翠黃乘龍于沼翠黃乘黃也龍翼馬身黃帝乘之而
仙

浮騷

浮駢無緩轍言馬飛浮而去

謝靈運

月駢

雲螭非易足月駢本難儔

武三思馬詩

金絡腦

力憊未思金絡腦影寒空望錦障泥

曹唐病馬詩

銀壓勝

臆大宜懸銀壓勝力渾欺著玉銜頭

秦韜玉紫騮詩

望雲騅

德宗以八馬幸蜀七馬道斃唯望雲騅來往不頓後死
天慶元禎作歌

勝竦三山

蹄懸四距腦顙方勝竦三山一人直

望雲騅歌

亞身

亞身受取白玉鞍開口銜將紫金勒

上

紅玉輦

唐天寶中大宛進汗血馬一曰紅叱撥二紫叱撥三青

叱撥四黃叱撥五丁香叱撥六桃花叱撥明皇為製名
一曰紅玉輦二曰紫玉輦三瑤山輦四凌雲輦五飛香
輦六百花輦復命圖之平光殿改殿名為觀

水族門

四腮鱸

松江集太湖賦四腮之鱸注云四腮者珍三腮者非
魚服

潘安仁西征賦云彼而就之魚服挂魚且之密網魚服

也 古史

牛魚

異物志東海有牛魚其形如牛引其皮懸之潮水至則毛起退則毛伏

海月

謝靈運詩揚帆采石華挂席拾海月石華附石生海月如鏡皆中食

海錯

海物錯萬類陸產尚千名

華鱗

出華鱗於紫淵

七命

槎頭鱖

漢水中鱖甚美常禁人捕以槎斷水因謂之槎頭鱖

縮項鱖

張敬兒為刺史作六櫓船置獻齊高帝曰奉槎頭縮項

鱖一千八百頭

練木華

見節序門

冠鳧

吳地志石首魚秋至化為冠鳧頭中猶有石也

鯪魚

鯪似魴而大頭魚之不美者故語曰黃魚得鯪不如噉
如徐州謂之鯪魚

王餘魚

比目魚江東呼為王餘昔越王為膾剖而未切墮半於

水化為此魚南越謂之板魚

庶魚

蛟龍生鯢鯢鯢生建邪建邪生庶魚

魚上官

鱣魚三月上官於孟夏

洛鯉

語曰洛鯉伊魴貴于牛羊

赤鯿

唐律得鯉魚即宜放之號赤鯉

鰯魚

凡諸魚欲產鰯魚輒舐其腹世謂衆魚之生母

蟹輸稻

蟹八月腹中有芒芒真稻芒也長寸許東輸海神未輸不可食

龜鼈

上其拘反下音壁似龜而大其文如玳瑁可以飾器

魚丁

爾雅魚枕謂之丁腸謂之乙尾謂之丙注其骨形似篆書丁字乙字丙字也

含漿

蚌一名含漿

爾雅

魁蛤

魁蛤狀如海蛤圓而厚外有理縱橫即今蚶也爾雅謂之魁陸

梁水魴

爾雅注魴一名魴江東呼為魴遼中梁水魴特肥而厚
尤美於中國故其鄉語曰居就糧梁水魴

尉魚

爾雅注東萊遼東人謂魴為尉魚或謂之仲明

捨魴魚

家語宓子賤治單父孔子使巫馬期往觀政見漁者得
魚輒舍之期問焉曰魚之大名為鱣鱣吾大夫愛之其

小者名為鰻吾大夫欲長之是以捨之

蟹奴

璫珞似小蜂有一小蟹在腹中時出來食故淮海之人呼為蟹奴

巨鼈鼉屬

巨鼈鼉屬首冠靈山上音備下許器反吳都賦

沈虎潛鹿

沈虎潛鹿並魚名選吳都賦注

玉珧

郭璞江賦玉珧海月吐肉石華海物異名江珧柱厥甲
美如珧玉韓退之詩馬甲柱蓋謂此而世人不用珧字
蓋未知耳

趙德麟侯鯖集

瓦隴

瓦隴一名魁陸嶺表錄異云瓦隴殼中有肉紫色曰天
蠻觔

天蠻觔

見上

水蓄

陶朱公曰治生有五水蓄第一謂養魚也

曝腮點額

交州記交趾郡封谿有龍門水深百尋大魚登此門化成龍不得過曝腮點額血流此水常如丹池有秦潛江出漚山分九十九流三百里共會一口

丙穴

嘉魚出於丙穴在漢中沔陽縣北

叔鮪王鱣

叔鮪王鱣叔小者王大者郭璞曰鮪屬大者王鮪小者叔鮪

虎鹿魚

江賦或鹿駝象鼻或虎狀龍顏注今海中有虎鹿魚頭似虎鹿也

蜆魚

音團山海經其狀如鮒而蜃尾郭璞注云言團如扇之

團

鰲似便面

鰲似便面雌常負雄而行失雄則不能獨活

出廣志

蝟魚

音媚似蝦食之益顏色有愛媚出臨海水上

出廣志

鸚螺

江賦鸚螺蛻蝸注南州異物志鸚鵡螺狀如覆盃頭如鳥頭向其腹視似鸚鵡故以為名

洪蚶專車

江賦洪蚶專車言其大臨海水土物志曰蚶徑四尺有

餘背似瓦壘

蚶呼甘反

石蚶

石蚶居葉反南越志石蚶形似龜脚得春雨則生華似

草華

玄蠣

江賦云玄蠣硨磲而硨磲皆不平貌南越志如馬蹄

鮪螫吐璣

江賦鮪螫肺躍而吐璣山海經云珠螫之魚其狀如肺
而有目六足吐珠螫

灼滅反

文魷孕璆

江賦文魷孕璆音毗山海經文魷之魚其狀如覆鮑鳥
首而翼魚尾其聲如磬是生珠玉

游鱗澆澆

上仕咸反下仕角反

選閑居賦游鱗澆澆注出沒之貌

石班魚

石班魚出九華山雪潭長寸餘身被五色食之甘肥

石邦

石邦類蛙而大出九華岩山間閩越地蛤也

魚瞰鷄睨

王褒曰魚瞰鷄睨李善注以魚不瞑鷄斜視

蛤蚧

蛤蚧大月三聲小月兩聲

蝦蛇

水母亦曰蝦蛇亦名海月土人為鱠謂之雪鱠

石鮭

龜脚生石上有甲其子如粟春夏生苗如海一作水藻亦有花所謂石鮭揚葩其狀甚異

桀步

擁劍一名桀步蓋蟹之類蝓蚌是也

懷墨

南越志云烏賊懷墨而知禮

纜魚

舊說烏墨有疋遇風則蚪前一須下疋一名纜魚風波稍急即以其須粘石為纜

燃鐵

舊說龜脂得火可以燃鐵

蛤無臟

裴頠崇有論曰烏無胃肺蛤蜊無臟

鰲帆

鰲殼上有物如角常偃高七八寸每遇風至即舉扇風而行俗呼之以為鰲帆舊云視鷗制施觀鰲制帆

獺穴

淮南子云鵲巢知風之自獺穴知水之高下

猿婦

東晉發蒙記曰獺以猿為婦

婢妾魚

綠珠傳曰州大荒山上有池池中有婢妾魚

魚婢

江東謂青魚為婢鰮魚為童子魚為士父

古今注

嬾婦魚

述異記淮南有嬾婦魚俗云昔陽氏家婦為姑所怒溺
死化為魚脂可燃燭照歡樂博奕則明照紡績則不復
明

無腸公子

無腸公子蟹也

抱朴子

石蛭沙虹

武夷君食石蛭臘沙虹鮓河祇脯注石蛭小蟹沙虹蝦也河祇脯乾魚也

武夷記

雀化

風土記六月東南長風海魚化為黃雀又禮記季秋雀入大水為蛤故荀昶黃雀詩云空城舊侶絕滄海故交分樂府有空城雀

禁鯤鰐

魯語宣公夏濫於泗淵里革斷其罟而棄之曰魚禁鯤鰐
鰐鳥翼鰐卵蕃庶物也爾雅注云凡魚之子鰐名鰐

蟹螯如山

有海賈每見兩山相對出于波各高數丈已忽不見舟
人云此巨蟹螯

金鼈光

于頔在海南日一夜方三更忽曉如日初出移時復暗

偏嶺南悉然後有海客言其夜海中見大金鼈浮出目
光照耀天地如白晝徐徐復沒驗其日正同方知鼈光
紀聞談

河伯從事

世傳烏賊為河伯從事以其含墨也又云烏魚墨為字
歲久盡脫如空紙無行者取為契券

酉陽雜俎

數圓

數圓居山岸如彭蠡取土作圓數至三百則潮至舟人

金匱要略卷之二十一
以為候呼為數圓

酉陽雜俎

卷二十一上

海鏡

越絕書云海鏡廣人呼為膏菜盤盤殼相合以成形外
圓而中甚瑩潔有少肉如蚌中有紅蟹子如小豆而螯
足皆具海鏡飢則蟹出拾食蟹飽歸腹海鏡亦飽

嶺表

異錄

劍魚

爾雅注鯢呼為劍魚

魚倉

永嘉記青田谿冬水熱衆魚歸之曰魚倉

龍鯉

龍鯉陵居

山海經

已憂儵

山海經云帶山茈蒹之水有儵魚食之已憂圖贊云汨
和損平莫憐于憂詩咏萱草山經則儵

鮓魚

鱗鬣有蛟蜃之狀土人碎以為鮓出戎州

龜門

玄衣督郵

崔豹古今注龜名玄衣督郵

食飛塵

曹植龜賦食飛塵以實氣

能言龜

洞冥記元封二年外國獻能言龜東方朔云唯承桂露

飲之

庶龜

玄旣生靈龜靈龜生庶龜

火龜

火龜生于火中皆火鼠之類

爾雅疏

六眼龜

君山上有池池中出三足鰲六眼龜

洞玄先生

洞玄先生龜也

宣室志

先知君

龜又號為先知君

抱朴子

居鵲尾

史氏曰龜生百歲故居鵲尾之上

龜出頭

黃安坐一龜長三尺云伏羲造網罟得之此虫畏日月
光二千年一出頭我坐此龜五出頭矣時謂安萬歲

洞

冥記

玉靈

玉靈龜也

出史記龜策傳


波臣

莊子曰我東海之波臣也山谷云吉凶更莫問波臣

玄夫

玄夫龜也

見韓文東野夫子詩



海錄碎事卷二十二上